

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2019

MADUO: 100

NAKO: Diura di le 2½

Pampiri e, e na le ditsebe di le 7.

PAMPIRI YA DITAELO LE TSHEDIMOSETSO

1. Pampiri e, e arogantswe ka DIKAROLO di le THARO:

KAROLO YA A: Tlhamo (50)

KAROLO YA B: Ditlhangwa tse dileele tsa tirisano gammogo le
ditlhangwa tse di dirisang mekgwa e e farologaneng
ya tlhaeletsano (30)

KAROLO YA C: Ditlhangwa tse dikhutshwane tsa tirisano (20)

2. Araba potso e le NNGWE go tswa mo karolong NNGWE le NNGWE.
3. Kwala ka puo e o tlathlobiwa ka yona.
4. Simolola karolo NNGWE le NNGWE mo tsebeng e NTŠHWA.
5. Kwala letlhomeso (sekao, mmapa wa dikakanyo/sethalo/tšhate/mafoko a a kaelang, jalo le jalo), siamisa diphoso le go buisa tiro ya gago gape. Letlhomeso le kwalwe PELE o simolola go kwala tlhamo.
6. Tirokwalo ya ipaakanyo yotlhe e tshwanetse go tlhagelela sentle. Thala mola o o sekaganyang go supa fa tirokwalo e le ya ipaakanyetso.
7. Tiriso ya nako e e tshitshinngwang ke:
- KAROLO YA A: Metsotso e le 80
- KAROLO YA B: Metsotso e le 40
- KAROLO YA C: Metsotso e le 30
8. Dinomoro tsa dikarabo di tlhagelele jaaka di ntse mo pampiring ya dipotso.
9. Naya karabo NNGWE le NNGWE setlhogo se se maleba.
10. Setlhogo ga se a tshwanela go akarediwa mo palong ya mafoko a a tlhokegang.
11. Kwala sentle ka mokwalo o o buisegang.

KAROLO YA A: TLHAMO**POTSO 1**

Kwala tlhamo ya boleele jwa mafoko a a ka nnang 250–300 ka NNGWE fela ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo. O se ke wa lebala go thala letlhomeso/lenaneopaakanyo pele o kwala.

- 1.1 Moletlo o o monate o nkileng ka ya kwa go ona. [50]
- 1.2 Botlhokwa le mosola wa tshireletso ya baithuti le barutabana mo dikolong. [50]
- 1.3 Fa nka nna motsamaiisi wa setheo sa ESKOM. [50]
- 1.4 Naga ya Aforikaborwa e na le madi a mantsi go tokafatsa matshelo a bašwa. Dumela kgotsa ganela. [50]
- 1.5 Letsatsi leo le ne la ntshulafalela e le tota. [50]
- 1.6 Molemo le bosula jwa go nna moeteledipele [50]
- 1.7 Lebelela ditshwantsho tse di latelang, mme o tlophhe se le SENGWE go kwala tlhamo. Naya tlhamo ya gago setlhogo.

1.7.1

[Motswedi: www.google.com]

[50]

1.7.2



[Motswedi: Inthanete]

[50]

PALOGOTLHE YA KAROLO YA A:

50

**KAROLO YA B: DITLHANGWA TSE DILEELE TSA TIRISANO GAMMOGO
LE DITLHANGWA TSE DI DIRISANG MEKGWA E E
FAROLOGANENG YA TLHAELETSANO****POTSO 2**

Araba potso e le NNGWE fela mo karolong e. Karabo e nne boleele jwa mafoko a a ka nnang 120–150.

2.1 LEKWALO LA BOTSALANO

Batsadi ba gago ba go tlogetse le bomonno. A le mongwe wa bona o setse a tlhaselwa ke bolwetse jwa sehuba. Ba kwalele lekwalo le mo go lona o ba itsiseng ka ga bolwetse jwa gagwe.

[30]**2.2 LOKWALO LWA BOIKITSISO LE LEKWALOPHELEGETSO**

Go na le phatlhatiro ya go apaya kwa legaeng la batsofe la Rietspruit, mo nomorong ya 34 Letsapa Street, Mangaung, 2000. Mokopatiro e nne mme/rre yo o nang le setifikeite sa go apaya le maitemogelo a go apeela batsofe. Dirisa tshedimosetso e e fa tlase go kwala lokwalo lwa boikitsiso lwa gago mmogo le lekwalophelegetso le o tla le romelang kwa legaeng la batsofe la Rietspruit.



Maina a gago ke: Mpho Lebote
Nomoro ya lokwaloitshupo: 990712 1234 06 8
Aterese: 117 Nokwe Street
Letlhabile
1556

[30]**2.3 THADISO YA BUKA**

Buka nngwe e o kileng wa e buisa, e ne ya tsosa maikutlo a a rileng mo go wena. Kwala thadiso ka ga yona.

[30]

2.4 MMUISANO

Lebelela setshwantsho se se latelang, mme o kwale mmuisano o o neng o le magareng ga rraago le kgaisadio yo mekgwa ya gagwe ya botshelo e sa itumediseng.



[Motswedi: www.google.com]

[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**POTSO 3**

Araba potso e le NNGWE fela mo karolong e. Karabo e nne boleele jwa mafoko a a ka nnang 80–100.

3.1 KARATA YA TALETSO

Tsala ya gago Mosidi Thebe o tlike go tsena mo lenyalong le Goitseone Selepe. Thala karata ya bona ya moletlo wa lenyalo jaaka o kopilwe.

[20]**3.2 BUKATSATSI**

Sekolo sa lona se ne se tshwere dithuto tsa tsweletso tsa malatsi a le supa ka malatsi a boikhutso. Barutabana ba dikolo tse di mabapi le motse wa lona ba ne ba laleditswe go tla go thusa. Kwala bukatsatsi e mo go yona o tlhalosang ditiragalo tsa matsatsi ao.

[20]**3.3 DITAELO**

O ne o ile le barutwana ba sekolo sa lona kwa kampeng ya boeteledipele ya baithuti. Kwala ditaello tse morutabana a le neetseng tsona fa le goroga kwa kampeng.

[20]

PALOGOTLHE YA KAROLO YA C:
PALOGOTLHE YA TLHATLHOBO:

20
100